

唐樓志卷十

仁和王同輯

人物三 義行

世之擁厚貲為子孫千百世計者何轉瞬而皆空也則何如行一二善事鄉里偁道不衰而子若孫衣德食報無窮焉以彼易此吾必有以處之矣志義行

明

夏誠字與誠號園趣其先鄞人幼孤克自立年二十八

始讀書

武林耆舊錄小傳

由慈溪遷仁和

萬曆杭州府志夏時正傳

居三

峯山

王鏊撰夏時正墓志銘

里人陳孟熙雍與為莫逆交喜蓄

唐樓志

卷十

法書名畫及古彝鼎

仁和縣志陳雍傳

性嚴毅勤儉喜施予

昏嫁族中孤子女殮葬親友之貧者歲歉罄所積貸

與人無責償復值大稔米涌貴餓殍盈途計家有餘

米千石嘆曰忍一家獨飽哉即千金有盡何如樹義

乃盡出助振部使者以聞正統七年賜璽書羊酒復

其家仍敕有司樹門以表之又時為人排難解紛至

活人於瀕死而人不知亦不求人知湖州市居人自

其先已冒官河禁傳子若孫無覺者陳之官將悉逮

理之以一言釋千百家之難且善決斷凡古今興亡

得失事剖論每出新意於當世務逆料成敗得喪告

人預防之或言之官張弛之信義行於鄉里咸以司

直稱焉晚益積書教子者舊錄撰農舍祀先錄桐廬姚

夔書後武康沈彬訂正疏叙藝文志雜詩文曰園趣存

稿夏氏家乘與同時處士項伯藏陳士寧馬叔良祝彥廣

及僧曇纘古需皆年七十作會賦詩名曰會文社壽

七十有九者舊錄卒葬三峯山東山之陽翰林學士曹

鼐撰墓銘興化府知府古燕岳正題曰尙誼先生之

墓成化杭州府志以子時正貴贈刑部郎中長子中醕亦以

義輸粟授冠帶者舊錄

沈璋字廷器號存濟仁和塘棲人生平慷慨好施丁養浩撰

唐棲志 志義行 卷十

沈璋傳自幼淳雅好力穡不肯逐時好長聘塘棲右族

徐氏徐無子因家焉常以不逮養親爲恨旦夕必還

家偕伯叔氏佐食飲問寒煖眷眷不忍離去每得時

物必先以奉親或有故未及不敢嘗也母嘗病劇日

侍湯藥必躬親嘗之每焚香祝天願以身代既又剖

股作粥以進母病良已鄉黨以孝稱之父母歿伯叔

氏將召分田宅力辭不受人益以義多之唐棲素號

閩市歲計食貨貿遷無慮數十百萬而他物不與焉

因奮曰吾釋此將焉所之願患弗加之意耳於是顏

其所居之室曰勤儉日課僮僕坐列肆視人所弃者

取之人所取者與之操有餘以待不足不數年以財

擅一郡效唐集存濟好行其德正德三年歲大禋五

杭吳王廟僧直役通里通糧無措僧告貸于璋借米

三百餘石里民深感次年力不能償廟前鐘樓建于

里中議毀變公物以完公負璋聞止之樓水庚午歲

又大禋公為粥以食飢者日數十百人如是者凡再

閱月所全活以千百計墓誌唐棲為省會巨鎮水勢

直瀉自宋元以來民居聚散不常堪輿家謂宜于鎮

之東北隅建傑閣以當水之衝璋即捐貲就古清流

亭舊址闢基構材于佛閣高二十餘丈立殿宇禪堂

唐棲志 志義行 卷十

鬱為叢林費貲以萬計里中賴以安居丁養浩撰傳他如

佛老之宮津梁之費緩急有求於公無不足其欲者

其樂善好施類如此墓誌己卯歲大禋璋煮粥飼飢

民越兩月全活無算又發廩米四千餘石以貸貧者

次年大熟人俱倍息來償堅卻之曰吾以周貧非以

邀利也焉用償于是人咸稱為孝義沈家丁養浩撰傳生

于景泰癸酉二月一日卒年六十有九墓誌以孫修

貴贈廣西左布政棲里景子哲合州司馬丁養浩撰傳號

霞川以子修貴贈廣西右布政修字巽吾萬曆丙子

中式庚辰進士官至廣西左布政使司棲里景

高昇字佚棲之肆賈也性倜儻勇於爲義正德年間權役四出吾鎮鋪肆牙販水陸百物並議抽分名曰落地稅橫征苛斂商民失業會世宗御極恩詔內有革除私抽一欸昇毅然白巡按懇憲司允其請一切飭禁卽請太僕邵公銳爲之碑銘以垂不朽里人至今頌之

呂塘字廷潤號一素係尙本繼子慷慨好義廣濟橋向七洞嘉靖間幾裂議者謂物虛則受攻基實則永固茲橋過水之洞七因多虛善毀乃塞其二洞無何虛爲實乘中以邊掣而中洞掀走崩潰在卽塘見之慨

唐棲志

志義行
卷十

四

謂二子坤與需曰是橋吾先人兩助其役今須更治度費約四百金吾藉成業力可辦也遂集工改構工料經營悉獨任子坤號北野仕廣東布政司都事需號水山授鴻臚寺署丞才名溢海內按尙本名皋邵銳爲作尙本樓記需另有傳

陳鼐字器之號一拙靜齋琪之子也天性孝友好義父琪邁癱瘓疾鼐侍奉湯藥飲食歷二十年不少懈季父瑛蚤世無出應繼鼐季母周挈其貲歸義子及周氏子里人有嗾訟者鼐曰叔無子祀在我母不我歸者貨賄耳外物也以貨爲人後非吾心矧以訟爭乎

人義之室夏怡靜女怡靜室范不安五子養養于鼐
甘脆之旨三十年又經紀夏氏三世喪不異已生夏
之侄誣鼐私外家貲陷之訟鼐嘆曰盈縮分定卽不
當餓死焉往非樂乃盡棄其有去其妻以恚憤卒鼐
終身不續娶後復勤約自立祖墓曰花園墳以族散
莫展省人路之鼐協宗賢者崇垣懋障使諸壙無踐
蹂侵伐之虞又葬其族之貧乏暴露者里閭宗族無
不義之年近耄如壯年有四子言辛襄高並仁厚襄
子奇萬歷武舉人嘉興備倭遊擊奇孫文弢康熙間
任閩左都督驃騎將軍子裔世襲

唐棲志

志義行
卷十

五

張近思字仁甫號景星太學生仕光祿寺署丞天性孝
友酷有父風萬歷戊申大水民飢流亡載道盜賊蠶
起居行患之近思輒請撫按兩臺益兵邏戍舟巡陸
營以時警衛里井賴安隨設舖糜平穀價傾萬緡佐
此大役有司旌其門勒石識德比之庚桑而近思夷
然不屑也生四子長鴻舉崇禎壬午副榜仕延年通
判鴻子吉康熙戊午舉人孫曾科貢人才不替皆積
德所致

宋文炎

本姓卓

原名政卿字孚民號太素例授鴻臚寺鳴

贊性樂施予萬歷戊申夏五月大水禾盡漂沒民飢

文炎見之首蠲米一百石薪二萬筋乞太虛覺庵二上人分局煮糜以振里中同志者繼之日食飢民二千餘自冬徂春貲不能濟文炎復繼之活人甚衆所贊善舉不可縷述孫彝登順治丁亥進士仕翰林院左春坊兼侍讀彝子麟異甲午舉人

王宗武字少槐父楷有智謀喜談兵嘉靖間總制胡宗憲辟叅幃幄平東西倭多陰德事宗武性慷慨萬厯庚戌歲大祲出粟于石減價發糶藩臬旌其閭後屢荒減價發糶如前又捐千金修豐樂太平諸橋年八十六卒孫彭字德楨克承祖德造義塚普同塋宗武

唐棲志

志義行
卷十

六

曾孫芝瑞癸卯舉人珊王子舉人璽琰俱貢生仕學按芝瑞皆武科所謂楷者與呂訓需同時僞爲王山人者是也

國朝

張鳳舉字季祥性慷慨會鼎革草昧官舫差船晚泊棲里倚恃差使橫索夫役物件拂欲卽細繫拷掠無虛日沿塘居民苦之鳳舉憤激首倡瀝陳當事始獲嚴禁民賴安戢時未勒石故智復萌順治十六年間鳳舉仍以舊案遍愬大吏復飭勒碑永禁一鎮感之後歲久法弛康熙二十六年間文學夏雯等復黏呈鳳舉舊案愬於當事重立禁碑至今里無差累鳳舉子

旗拔貢生孫應烈雍正癸卯舉人琨歲貢生

孟之魯字平甫豪俠尙義故明陳守清墓舊在北聖堂塔除順治初有僧普福見之愍其穢褻告里中擬遷之之魯慨然捐貲改葬于北聖堂後重樹墓碣順治乙酉下更衣令宜興諸生潘與範仍蓄髮爲營兵毆掠潘憤而死妻周欲身殉不得至丙戌匿尼庵中營兵覷之語謔甚周投繯死里人怵兵橫莫敢言之魯憤極檄棲上士紳呈告當事當事表周額曰不媿婦道執營兵正法焉

卓麟異字子孟順治甲午舉北闈資性孝友好行其德

唐棲志

志義行
卷十

七

一方緩急無不周旋修廣濟橋獨任六百金順治丙申歲饑發粟千餘石振濟活人無算修建資慶院大善寺聖帝殿清流寺及道路橋梁動以百金者莫得而數麟異之後嗣蕃衍世澤綿長由茲培植焉

范秉仁字昭彝慷慨好義周恤貧窶康熙間長橋利濟侯祠燬秉仁獨力重建康熙四十年間廣仁義塚土垣傾圯無主敗榷每遭犬豕噬嚙秉仁惻然首捐百金轉乞同志助貲鳩工周以甃牆址以巨石覆以瓦簷至今完好無不稱范翁爲一鄉善士云

張琪字國璠幼耕讀以性豪義家中落然里有不平事

弗顧利害輒挺身分理南北關推稅者倚勢苛索棲
民不逞者串爲奸凡起造木料及山鄉砍用竹木不
應稅者輒稱漏稅婪詐百出民苦無申康熙三十五
年間琪憤呈於郡立蠲諸弊樹碑永禁民害頓除棲
里分府署址康熙五十六年間爲德邑蔡旭佔佃發
石砍樹以爲利里人憚旭宦勢束手貽視不敢言琪
歷陳上臺巡撫朱公軾斷地還公罪侵佔者一鎮義
之

錢麟徵字桂卿性樸心慈室吳孺人夫婦好善童穉咸
知家訓以克己濟人爲本諸子遵行子廷璉字殷尚

唐樓志

志義行
卷十

八

號閭庭乾隆辛未歲飢廷璉首倡平糶富室效之邑
令旌以額有以善舉募者靡不應大善寺浮梁殿大
圓庵輸貲尤廣創建留嬰所故一方神祠梵宇無不
有廷璉名而四方士庶緇流靡不慕廷璉善

宋大忠字承謨性爽直貧不苟得勇于爲善于佛閣毀
里人因循無首事者大忠疾呼曰閣爲棲鎮屏障何
可一日無此身先倡募士庶響應巍然傑閣不日而
就修建橋路寺觀振恤饑寒事事贊成倡施棺會久
行不替嗣兆瑛輩仰承父志大忠享年八十九孫文
耀乾隆丙辰舉人曾孫濟濟並列膠庠

姚彭年字以介號兩峯太學生早孤事母孝康熙五十九年爲母張儒人請旌建坊四十七年歲大祲次年流亡載道彭年憫之鬻產購米振糜于清流寺力不繼借諸同志金柱陳賓夏宋大忠等及寺僧元植遍募棲里共得米三百餘石薪若干四月朔起凡七十餘日彭年晝夜董率活人無算施藥捨楫周卹貧民不可勝數里人感歎子弘基弘燮孫枝森森已俱列青衿矣邵嘉客贈詩曰滿日啼號放粥時三村五落歎來遲音聾接踵投荒寺盤躡聯翩仆石墀糜未沾牙神躍臙穀能迴死健生脾善根宿種施逾廣不計

唐棲志

志義行
卷十

九

陰功宜報奇

馬梅巖伍林村人業醫性慷慨乾隆初仁邑吏陸漢良者辦海塘需石灰陸假此領帑創窰于伍林汎側爲已利斯地爲鎮來脈鎮人慮之徒議論而已梅巖曰棲有半萬烟戶身家所關知其不利又臆縮不言吾有祖墓在茲亦似里人哉控於郡吏相從者惟諸生孟又武及馬族數人然陸有負嶠勢且善賄相從者亦瓦解獨梅巖不爲勢利所移疊叩撫軍飭令卽毀

一鎮感之

以上節采
棲水文乘

徐泰字階平仁和家人家塘棲習刑名家言就府幕者數

十年巡撫晏端書知湖州時雅重之嘗歲暮自湖郡歸道出淩波塘夜聞桑林中哭甚悲泊舟問之則以負勢家金鬻妻以償娶者至方相持哭秦憫之傾橐中金以還娶者不足呼里正將持書至郡貸以償里正逡巡未卽去秦疑之里正曰負責者無婦而有婦矣娶者將有婦而無婦奈何小人有女願壻之使兩家各得婦而公之義無所歉不亦可乎秦喜遽趣成之在保定時有富人子坐殺人當抵黃夜餽金萬乞貸其死秦峻卻之秀水無賴子素無行令拘之將置之死而律無死法力爭之令意解得不死

德清朱觀光歸安孫

唐樓志

志義行
卷十

十

學激記徐先生軼事

夏之城字超墅仁和人候選國子監典簿以親老家計日落貿易於吳往來三十年家以興先是五世同居羣從子侄數十而眷口愈衆所居隘咸議分析城盡以貲財舊業讓之別營數椽以居先代有不知其墓者徧尋得之歲率族人祭埽族之貧者皆予以生業不令失所字幼必先授之讀養孀終身必丐當事旌表庚申之亂避地清溪時釜米值萬錢依之者十餘家有告急者量米助之故人阮某夫婦歿殯之家且爲卜地以葬某遇賊亡其子率家人相投亟授之居

一日避寇遇鄉人男女五欲濟無舟立舍已舟與之
卒得他舟以免有舊家女二沒爲婢集貲贖之歸及
笄擇婿字焉某貧干餘金反訟之官置不問訟亦寢
息晚以山水詩酒爲樂壽七十一

杭州府志

王同曰超墅先生唐棲之隱君子也其子容伯名
同聲與子友嘗語予曰先生歿於光緒甲申八月
十六日前一日自撰輓聯云七十餘年腳插紅塵
身世歷諸艱撇手長辭吾事畢八月旣望魂歸碧
落死生知有數遺言惟囑汝曹遵娶同里單氏事
姑以孝聞繼娶錢唐程氏名采芝割肱療父疾以

唐棲志

志義行
卷十

十一

孝女 旌子四同聲邑諸生同文貢生鏞從九
品殉庚申難得 卹雲騎尉同倫監生孫七人
晚號寄龕著有超山別墅草卒葬馬鞍山南麓德
清俞曲園書碣瑞安黃體芳題墓門曰高士衣冠